



# MOVIMENTU DE LIBERATZIONI NATZIONALI SARDU

SARDINIAN NATIONAL LIBERATION MOVEMENT

## GUVERNU SARDU PROVVISORIU

Sardinian Provisional Government

Casteddu, 04 austu 2016



### A IS RESPETABILIS

O.N.U.  
SEGRETARIU GENERALI

- Mr Ban Ki-moon

O.N.U.

Cumitàu po is derettus de is ominis

Iscuadra de is Petizzionis

Uffitziu de s'Artu Cummissariu po is

Derettus de is Ominis

United Nations Office at Geneva

Prot. 17/PR/16

### OGETU: DECRARADURA DE APPURAMENTU DE ISTÉTTIU DE GHERRA


Sa populatzioni de sa Natzioni Sarda ari bìviu in libertadi e soberana po meda tempu ma ari depiu suttai a sa occupatzioni de sa terra cosa sua de parti de populus meda prus numerosus. S' ùrtimu de custus esti su Stadu italianu.



[info@mlnsardu.org](mailto:info@mlnsardu.org)

[www.mlnsardu.org](http://www.mlnsardu.org)

[presidenza@mlnsardu.org](mailto:presidenza@mlnsardu.org)







# MOVIMENTU DE LIBERATZIONI NATZIONALI SARDU

SARDINIAN NATIONAL LIBERATION MOVEMENT

## GUVERNU SARDU PROVVISORIU


Sardinian Provisional Government

Su populu sardu patiri, de parti de su Stadu italianu occupadori, sa imponidura de sa lingua de issus, de imbitzus e connottus foresus po sa Genti sarda, sa scrobadura de is comunidades de su logu e de is ramus económicus segundu is connottus, intappiada basis e tzeracchias militaris de dònna manera, in sa terra, in su mari e in su celu, limidendi is tragadas, is attivadas de agricultura e de pisca, isperimentendi armas de dònna manera, imbruttendi su logu e faendi patiri a sa populazioni inevitabilis dannus a sa saludi, ministras cun disgaggiu is cuntzimentus po su piazzamentu de attivadas fruttuosas industrialis imbruttantis e, in prus, puru de attivadas de bogadura, pritindi de affortiai sa operazioni de destruidura de su populu sardu, impreaendi atras partis de sa terra insoru cumentu logu de depòsitu de arrefudus nuclearis, mancau unu referendum populari du proibisciri.

Sa Natzioni Sarda esti obligada a patiri is attaccus opprimidoris de su Stadu italianu in sa terra de sa Patria cosa nostra, attaccus chi circanta, prus de tottu, de sperrai su giai diliscau sistema económicu de sa Natzioni Sarda cun atzionis de fortza chene arrexoni contra sa propiedadi individuali e generali de is tzittadinus insoru, sa arrogàntzia fiscali italiana stari portendi sa populazioni sarda a su disisperu, ponendi interas familias in sa ruga, chene tenni prus sa possibilidadi de unu traballu e de unu andamentu de vida chi ndi asseguriri su netzessàriu indispensabili.

Su Movimentu de Liberatzioni Natzionali Sardu (MLNS) fundau su 31 agosto 2011 cun sa tarea de reclamai sa soberania de su Populu sardu in is territòrius cosa sua e portai sa Natzioni Sarda a liberas eliggiduras, aundi is tzittadinus anta tenni sa possibilidadi de eliggi democraticamenti is rappresentantis cosas insoru, ari sempri sighiu sa ruga de sa diplomatzia, arraspettendi in tottu sa legalidadi internazionalis e cunformau a is arrégulas de su derettu internazionalis e puru a leis chi su Stadu occupadori italianu ari approvau (lei 881/77 de aggradamentu de is Pattus de New York de su 1966), ma is autoridades italianas sighinti a abusai de su poderi chi teninti e attaccanta is cumponentis de su MLNS cun intzimias assurdas.

Su Stadu strangu occupadori ari isferrau unu attaccu feroci contra su Movimentu de Liberatzioni Natzionali Sardu cun sa intzimia de unu scrucullu giuridicu pinnicosu, tragallosu e fattu in manera ambigaa scetti po presumi sa esistèntzia de unu non beru assòtziu militai, presumendi su ammancau arrespettu de una lei italiana fatta a pustis de sa segunda gherra mundiali, sa lei n° 43 de su 14 friàrgiu 1948. Sa politzia italiana esti arribara cun arrogàntzia e consistenti, cun armamentu de gherra contra su MLNS. Cun una affraccadura arrepentina ari revistau su Presidenti e fundadori de su MLNS, atras personas de su movimentu e atrus tzittadinus de su







# MOVIMENTU DE LIBERATZIONI NATZIONALI SARDU

SARDINIAN NATIONAL LIBERATION MOVEMENT

## GUVERNU SARDU PROVVISORIU

Sardinian Provisional Government

Populu sardu, is domus insoru, is logus aundi trabballanta e is vetturas cosas insoru, furendi cosas personalis e strumentus po trabballai, ispramendi is familias cosas insoru e sa genti chi dus connosciri, a pustis dus ari secuestraus e tentus in càstiu po meda tempu, sutta ponendu issus a interrogus foras de sa offitzialdadi e a violèntzias moralis e psicológicas mai bias .

Su Stadu strangu italianu stari attuendi, contra su Populu Sardu e contra su MLNS, unu sistematicu e voluntàriu annichilamentu po mesu de una feroci e estremada dominadura coloniali e ratzista. Custa obra de annichilamentu portàra ainnantis dogna die cun una filera chi non accabara prus de atzionis de gherra contra sa Natzioni Sarda e contra su MLNS si podiri interpretai scetti in unu craru ISTÉTTIU DE GHERRA chi su Stadu italianu, manca non du ari offitzialdau, ari decrarau a sa Natzioni Sarda.

Po cantu mustrau innoi appitzu su Movimentu de Liberatzioni Natzionali Sardu, a nomini de tottu sa Natzioni Sarda, pigara attu de custa realdadi e si declarada, a marolla, parti in abbèttiu in su stadu de gherra chi esistiri intra su stadu italianu e sa Natzioni Sarda.

Custa situatzioni permittiri chi si attivinti tottus is Conventzionis de Ginevra e is Protocollus acciuntus a pustis de su 1949 fintzas a oi.

Po su  
Movimentu de Liberatzioni Natzionali Sardu

e po su  
Guvernu Sardu Provvisoriu

su Presidenti  
Sergio Pes

